

Na osnovu člana 69, stav 1, tačka a) Zakona o javnim nabavkama Bosne i Hercegovine ("Službeni glasnik BiH" broj 39/14), a nakon sprovedenog postupka nabavke putem direktnog postupka za nabavku usluga – izrade Procjene ugroženosti od požara i Plana zaštite od požara, zaključuje se slijedeći:

UGOVOR o pružanju usluga zaštite od požara

između ugovornih strana:

"Javna Srednja škola metalnih zanimanja", 71 000 Sarajevo, ul.Zmaja od Bosne br. 8, koju zastupa dipl.ing.maš Elmedin Lukač, direktor (u daljnjem tekstu: **NARUČITELJ**),

i

"VATROSISTEMI d.o.o.", 71 000 Sarajevo, Safeta Zajke br. 304, , koje zastupa dipl.ing.maš Berin Mesihović, direktor, (u daljnjem tekstu: **IZVRŠITELJ**)

PREDMET UGOVORA

Član 1.

Temeljem ovog Ugovora IZVRŠITELJ se obavezuje NARUČITELJU pružiti usluge:

1. Izrada Procjene ugroženosti od požara na osnovu Metodologije za izradu procjene ugroženosti od požara ("Službene novine Federacije BiH", br.91/11) i Plana zaštite od požara na osnovu "Uredbe o sadržaju i načinu izrade planova zaštite i spašavanja od prirodnih i drugih nesreća i planova zaštite od požara („Službene novine FBiH", br. 87/11") sa planom evakuacije – trajni akt;

Član 2.

CIJENA

Za vršenje poslova iz predhodnog člana sačinjena je ponuda broj: 091-I-05/17 od 08.05.2017. koja je sastavni dio Ugovora, a koja pored ostalog sadržava vrstu poslova i cijenu za svaku uslugu, odnosno sredstvo.

Član 3.

IZDAVANJE RAČUNA I PLAĆANJE

IZVRŠITELJ će NARUČITELJU ispostaviti račune za izvršenu uslugu nakon završetka svake usluge i predaje dokumentacije za istu.

Plaćanje će se vršiti na osnovu sljedećeg dokumenta:

- jedan (1) original Računa

NARUČITELJ će platiti samo ispravno izdat račun sukladno odredbama člana 2. i 3. ovog Ugovora u roku 10 (deset) dana, od dana ispostavljanja fakture na žiro račun IZVRŠITELJA.

Član 4.

TRAJANJE I DINAMIKA IZVRŠENJA USLUGA

IZVRŠITELJ se obavezuje da ugovoreni posao izvrši savjesno i kvalitetno u roku od 45 (četrdesetpet) dana od dana prijema narudžbenice od strane NARUČITELJA.

Član 5.

IZJAVA O KVALITETI IZVRŠENIH USLUGA

IZVRŠITELJ ovom odredbom Ugovora izjavljuje kako će Uslugu koja je predmet ovog Ugovora izvršiti pažnjom dobrog stručnjaka, uz primjenu i poštivanje svih meritornih Zakona, standarda i pravila struke, kao i mjerodavnih propisa za ugovorenu vrstu Usluga.

Član 6.

RASKID UGOVORA

Svaka ugovorna strana ima pravo raskinuti ugovorne odnose slanjem pisane obavijesti, s otkaznim rokom od 30 dana, koji počinje teći od dana primitka pisane obavijesti.

Svaka ugovorna strana ima pravo raskinuti ovaj Ugovor ukoliko druga ugovorna strana krši odredbe ovog Ugovora, odnosno ne izvršava preuzete ugovorne obveze na način i u rokovima utvrđenim ovim Ugovorom, a navedene propuste ne otkloni niti u naknadnom primjerenom roku koji joj za to ostavi druga ugovorna strana.

Obavijest o propustu ugovorna strana dostavlja prekršitelju pisanim putem, poštom preporučeno, čime naknadni rok počinje teći. Ukoliko u navedenom roku prekršitelj ne uskladi svoje ponašanje sa svojim ugovornim obvezama, Ugovor se smatra raskinutim bez potrebe davanja ikakvi daljnjih obavijesti ili izjava.

Član 7.

RJEŠAVANJE SPOROVA

Ugovorne strane suglasne su da će sve eventualne sporove iz ovog Ugovora prvenstveno rješavati međusobnim dogovorom.

Ukoliko ugovorne strane u razumnom roku ne uspiju riješiti nastali spor međusobnim dogovorom, za rješavanje istog ugovaraju nadležnost stvarno nadležnog suda u Sarajevu.

Član 8.

IZMJENE I DOPUNE UGOVORA

Ugovor se može mijenjati i dopunjavati samo uz suglasnost objiju ugovornih strana.

Izmjene i dopune Ugovora dobivaju pravnu snagu jedino ako su pisano ugovorene i pravovaljano potpisane po ovlaštenim predstavnicima objiju ugovornih strana.

Član 9.

ZAKONSKA REGULATIVA

Za sve ono što nije regulirano ovim Ugovorom primjenjivat će se primarno odredbe Zakona o obveznim odnosima.

Član 10.

PRIMJERC I UGOVORA

Ovaj Ugovor sačinjen je u 2 (dva) istovjetna primjeraka, od kojih NARUČITELJ zadržava 1 (jedan) primjerka, a IZVRŠITELJ 1 (jedan) primjerka.

U Sarajevu, _____ godine

**ZA IZVRŠITELJA
DIREKTOR**

dipl.ing.maš., Berin Mesihović

Broj: 04-01-429/17
Datum: 04.06.2017.godine



**ZA NARUČITELJA
DIREKTOR**

Elmedin Lukač, dipl. Inž. maš.

Broj: 02-625/2017
Datum: 30.5.2017.godine